

P R E F A C E.

regard de l'histoire. Et de fait, veu que luy-mesme a eu en telle horreur les abus q̄ sont en l'Astrologie, qu'on appelle Iudiciaire, qu'il a fait vn liure expres, auquel il a mōstré viuemēt par bōnes raisons, mais principalement par la parole de Dieu, q̄ ce n'est chose à supporter en vne Eglise Chrestienne, ou Republique sagement ordōnee, d'autant que ce n'est que vanité & mēsonge: ce seroit luy faire tort, de lascher la bride à telles speculations quant à sa personne. Seulement contentons-nous, que Dieu se voulant seruir de luy au temps determiné, la mis au monde le iour susdit. ce fut à Noyon ville anciēne & celebre de Picardie. Il a eu quatre freres, assauoir Charles son aîné, lequel mourut en aage d'hōme apres la mort du pere: Antoine son puîsnay, qui est encores auiourd'huy viuant, & l'a tousiours accōpagné depuis vingt & huit ans en çà: & deux autres, dōt l'vn se nommoit aussi Antoine: l'autre François, lesquels moururent ieunes. Quant à luy, il fut nommé Iean, estant présenté au saint Baptisme par vn chanoine de Noyon, dit Iean des Vatines. A ce propos parlāt de son Baptisme, & monstrāt